

Čoahkkaigassu

Spesialiseren ja profešunaliseren Mitalus norgga siviila dearvvašvuodahálddašeami ovdáneami birra 1809 rájes 2009 rádjái 2. oassi 1983–1994 – Ođđa dearvvašvuodahálddašeapmi čuožžela, mas čuovvola nágggu gaskal departemeantta ja direktoráhta

Raporta Dearvvašvuodabearráigeahčus 7/2020

Dearvvašvuoda historjjá vuosttaš girjjis giedahallojuvvui áigodat 1809 rájes 1983 rádjái. Dán girjjis giedahallojuvvo áigodat 1983 rájes 1994 rádjái. Girječálli deattuha movt áigodat lea molsunáigodat. Dat čalmmustahtá molsuma boares dearvvašvuodahálddašeamis mas doaktárat mealgadii stivrejdedje hálddašeapmái mas doavtterstivra jávkagođii.

Čálli čilge movt dat stivra mii dál čuožželii eanet báidnojuvvui politihkalaš stivrejumiin, muhto earenoamážit dainna eanet fágalaš stivrejumiin mii dál ilmmai. Dát stivrejupmi oaččui eavttuid lágas, muhto maiddái ekonomalaš diehtagis. Stivrejupmi šattai mihttomearre- ja boadusorienterejuvvon. Dat lohkkajuovvo «ođđa almmolaš jođihussan» - eaŋalasgillii – New Public Management.

Dearvvašvuodadirektoráhta juohkin 1983:s čalmmustahtii hálddahusdásis molsuma boares ráddenvuogis ođđa ráddenvuohkái. Oasit direktoráhtas jotke dearvvašvuodaossodahkan departemeanttas, ja earát fas direktoráhttan olggobealde departemeantta.

Eatnasa fárreheapmi direktoráhtas mearkkaša ahte dat, ja dearvvašvuodadirektevra, masse iežaset strategalaš rolla ja ahte direktoráhtta šattai eanet doibmiibiddji orgána ja dárkkistan- ja gozihanorgána. Dearvvašvuodadirektevra Torbjørn Mork ii liikon ovdáneapmái ja áigodat 1983 rájes 1992 rádjái báidnojuvvui danne náckuiguin gaskal departemeantta ja direktoráhta, ja earenoamážit departemeantarádi ja dearvvašvuodadirektevrra gaska. Daid náckuid birra mitaluvvo dárkiit. Čálli čájeha maiddái movt nágggu dagahii ahte direktoráhtta rievdaduvvui dearvvašvuodabearráigeahččun 1994 rájes ja ; (2002) rájes ahte hálddahusdoaimmat sirrejuvvo ja biddjojuvvo áiddu álggahuvvon Sosiáladirektoráhttii.